

حقوقى بىلىپلىر مجموعهسى

هر آيك اون بشنده نشر اولور

آنجق بيوك حقوقشاسلرئمز حل ايديه بيلير كه بويلا علمي مجتلارده دائما اولنرك ارشاد اتنه
مفتقر بولنديغمزي عرض ايله بو مهم بحث محترم مجموعه كزك چوق قيمتلي هيئت
تحريره سندن ويكي حقوق اصول محاكمه لري قانوني بند بند واقفانه و علمانه تدقيقلايه
نشر لطفنده بولهرق بيم كبي بر چوق فقير حقوقچيلري ارشاد ايتكمده بولونان فاضل
محترم مصطفى رشيد بك افنديك نظر تدقيق مرشدانه لرينه ترك ايدرم .

يكي شهرلي آورقات

علي داور سامي

آورقات

اباس خزانة

امول محاكمه

رأساً تخلیه مأجوره مساع قانونی واری؟

صلح حاکم لری وظیفه دار میدر؟

معاملات حقوقیه ايله اشتغال ايدنلرجه معلوم و مسلمدر كه رأساً تخلیه عقار ماده سی
ایجار عقار نظامنامه سینه ذیل ایدیلن برفقره قانونیه استناد ایتكمده در . اسکی ایجار
واستیجار مقاوله لرینك برکنارنده مندرج اولان اشبو فقره ده « رسمی مقاوله نامه یه
مربوط عقارك ختام مدت ایجارنده موجد ايله مستأجر بینده دعوی وقوع بولسه بيله
آنك نتیجه سینه باقلمیوب مأجورك تخلیه سیله موجد ره تسلیم ایديله چکی » مندرجدر .
کذلك کاتب عدل قانونك ۷۱ نجی ماده سنده « کرک رأساً و کرک خارجدن کتیریلوب
تصدیق ایدیلن ایجار و استیجار عقار مقاوله نامه سنده مندرج مدت اجاره نك انقضاسنده
مأجوری تخلیه ایتدیکی صورته اون بش کون ظرفنده بر موجب مقاوله مأجوری
تخلیه ایتسی مبین مستأجره راخطار نامه تبلیغ اولهرق مدت مذکوره ظرفنده یسه
تخلیه ایتدیکی تقدیرده اجراء اثره سی معرفتیه تخلیه معامله سی ایفا ایدیلر » دیو مصرحددر .
صلح حاکم لری قانونك نشرندن مقدم اجرا ریاستی حائز بولنان بدایت محکمه سی
رئیس اوللرینه بو وظیفه ویرلش و صلح حاکم لری قانونك نشرندن صکره آلنجی ماده
معدله موجبجه صلح حاکم لری بو وظیفه یی درعهده ایتشلردی . قانون مذکورك ۶ نجی
ماده سی موجبجه « صلح حاکم لری بدل ایجاری هر نه مقدارده اولورسه اولسون ایجار

عقار نظامنامه سی موجبجه تخلیه مأجوره متعلق اوله رق بدایت محکمه سی رئیس لرینک حائر اولدقلری صلاحیتی دخی حائر درلر. اشبو ماده نك بر ذیلی واردر که اوندۀ خصوصات مذکورده مقاولات محرر لرینک ایفا ایدم جکاری تبلیغاتی دخی بالذات ایفا ایدرلر. مندر جدر. ایدمی اخیراً نشر اولسان حقوق اصول محاکم لری قانونسك ۵۸۱ نجی ماده سیله صلح حاکم لرینک مواد حقوقیه ده کی صلاحیت لری الفا ایدلمش اولغله مازالذکر ۶ نجی ماده سنك حکمی دخی ملغا بولونمشدر. بو صورتله رأساً تخلیه مأجوره متدائر اولان مسائلده صلح حاکم لرینک وظیفه دار اولمالری طبیعی وقانونیدر.

قالدیکه حقوق اصول محاکم لری قانونسك ۸ نجی ماده سنكده صلح حاکم لرینک رؤیت ایدم جکی موادی تصریح ایدرکن «ایحجار مدتی ختام بولمش اولان مأجورك تخلیه سنۀ متدائر طلب لری وقانوناً مصرح سائر دعوالری رؤیت ایدر» قیدی علاوه ایدلمشدر. بوندن صلح حاکم لرینک تخلیه مأجوره متدائر دعوالری رؤیت ایدر معناسی چیقار رأیندهیم. بناءً علیه مأجورك تخلیه سی طلب اوزرینه رأساً دکل عن محاکمه اجرا ایدلمسی قانوناً مقتضیدر. تخلیه مأجور آنجق دعوی شککنده محکمه به عرض ایدیله جک وبر حکم ایله اجرا وانفاذ ایدیله جکدر.

اشبو رأیی تأکید وتأیید ایدر احکام موجوددر. حقوق اصول محاکم لری قانونسك ۵۰۷ نجی ماده سی بسط اصول محاکمه به تابع دعاوی بی تعداد ایدرکن مأجورك تخلیه سی مسئله لری وحقی سند رسمی به مستند دعوالری کوربیورز. ایکی کیشی بیننده تنظیم وتعاطی ایدلمش برایحجار مقاوله نامه سنك ماهیت وقوتی، برکاتب عدل حضورنده تسجیل ایدلمش بررسی سنك ماهیت وقوتندن زیاده اوله ماز.

رسمی برسنده مستند دعوی عن محاکمه حل ایدیلر سبه بر مأجورك تخلیه سی دخی حکم حاکمه محتاج اولدینی ایضاحدن مستغنی در. اشبو تفصیلاتدن آکلاشیلدیغنه کوره الیوم صلح حاکم لری رأساً تخلیه مأجور معاملاتی ایفا ایدم مدک لری کبی قانونده دخی رأساً تخلیه ایچون احکام مفقوددر.

بوکارغماً صلح حاکم لری رأساً تخلیه معامله لرینه کافی السابق دوام ایتکده در. بونک احکام حاضره قانونیه به مغایر اولدینی فکر وقناعتندهیم.

مسئله دشارمک بوخصوصده کی مطالعه لرینی طلب و مرجع عائدینک بو بایده نظر دقتی جلب ایدرم.

آووقات

اساس خزانہ